

Na osnovu člana 10. stav (2) Zakona o Budžetu institucija Bosne i Hercegovine i međunarodnih obaveza Bosne i Hercegovine za 2016. godinu ("Službeni glasnik BiH", broj 101/15), člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člana 12. Odluke o kriterijima za dodjelu grant sredstava za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu ("Službeni glasnik BiH", broj 67/16), na prijedlog Ministarstva za ljudska prava i izbjeglice Bosne i Hercegovine, Vijeće ministara Bosne i Hercegovine, na 80. sjednici, održanoj 10. novembra 2016. godine, donijelo je

## ODLUKU

### O DODJELI GRANT SREDSTAVA ZA PODRŠKU IZGRADNJI PARTNERSTVA IZMEĐU NEVLADINIH ORGANIZACIJA I NADLEŽNIH INSTITUCIJA ZA PROVOĐENJE KONVENCIJE O PREVENCIJI I BORBI PROTIV NASILJA NAD ŽENAMA I NASILJA U PORODICI U BOSNI I HERCEGOVINI ZA 2016. GODINU

#### Član 1. (Predmet Odluke)

(1) Ovom odlukom dodjeljuju se grant sredstva za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu sljedećim subjektima:

Red. broj	Podnosilac projektnog prijedloga	Naziv projektnog prijedloga	Iznos KM
1.	Omladinski centar „Vermont“ Brčko	Nasilje nad ženama nije cool	9.920,00
2.	Udruženje „Žena BiH“ Mostar	Smanjimo nasilje multidisciplinarnim pristupom	9.995,00
3.	Udruženje žena „Snop“ Rogatica	Lokalna partnerstva u službi zaštite žena-žrtava nasilja u porodici i ekonomskog nasilja	7.785,00
4.	Udruga „Bonaventura“ Sarajevo	Žene i djevojčice sa invaliditetom imaju pravo na život bez nasilja	9.522,00
5.	Udruženje „Otvorena kapija“ Sarajevo	Odnosi u brakovima sklopljenim od strane državljanke BiH i stranaca	5.952,00
6.	Udruga za civilne inicijative „Glas“ Prozor Rama	Jačanje kapaciteta lokalnih aktera općine Prozor – Rama za primjenu Istanbulske Konvencije	6.826,00

(2) Ukupna raspoloživa grant sredstva za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu iznose 50.000,00KM i dodjeljuju se iz budžeta Ministarstva za ljudska prava i izbjeglice Bosne i Hercegovine.

(3) Ovom odlukom dodjeljuju se sredstva u iznosu od 50.000KM.

**Član 2.**  
**(Izveštaj o utrošku sredstava)**

(1) U skladu sa članom 10. stav (3) Zakona o Budžetu institucija Bosne i Hercegovine i međunarodnih obaveza Bosne i Hercegovine za 2016. godinu ("Službeni glasnik BiH", broj 101/15), korisnici sredstava iz člana 1. stav (1) ove odluke, dužni su Ministarstvu za ljudska prava i izbjeglice Bosne i Hercegovine dostaviti izvještaj o namjenskom utrošku dodijeljenih sredstava na Obrascu izvještaja o realizaciji projekta i Obrascu za finansijski izvještaj koji su sastavni dio Odluke o kriterijima za dodjelu grant sredstva za podršku izgradnji partnerstva između nevladinih organizacija i nadležnih institucija za provođenje Konvencije o prevenciji i borbi protiv nasilja nad ženama i nasilja u porodici u Bosni i Hercegovini za 2016. godinu. ("Službeni glasnik BiH", broj 67/16).

(2) Korisnik sredstava, u skladu sa stavom (1) ovog člana, dužan je dostaviti izvještaj o namjenskom utrošku sredstava, na Obrascu VII za izvještavanje najkasnije do 31.01.2017. godine.

(3) Ukoliko korisnik grant sredstava u propisanom roku ne dostavi izvještaj u skladu sa stavom (2) ovog člana, nenamjenski utroši dodijeljena sredstva, neopravdano realizuje projekat, neopravdano prekorači rok za implementaciju projekta ili učini neku drugu radnju kojom je izvršio zloupotrebu dodijeljenih sredstava, Ministarstvo za ljudska prava i izbjeglice Bosne i Hercegovine će pokrenuti postupak za povrat uplaćenih finansijskih sredstava i aplikacije tog korisnika neće biti razmatrane u naredne tri godine.

(4) Korisnik sredstava dužan je voditi izdvojenu dokumentaciju o realizaciji projekta koji se finansira, a u slučaju potrebe, istu učiniti dostupnom za razmatranje i kontrolu od strane Ministarstva za ljudska prava i izbjeglice Bosne i Hercegovine.


**Član 3.**  
**(Realizacija Odluke)**

Za realizaciju ove odluke zadužuju se Ministarstvo finansija i trezora Bosne i Hercegovine i Ministarstvo za ljudska prava i izbjeglice Bosne i Hercegovine.

**Član 4.**  
**(Stupanje na snagu)**

Ova odluka stupa na snagu danom donošenja i objavljuje se u "Službenom glasniku BiH".

VM broj 268 /16  
10. novembra 2016. godine  
Sarajevo



PREDSJEDAVAJUĆI  
VIJEĆA MINISTARA BIH

Dr. Denis Zvizdic